

醫

燈

續

焰

醫燈續焰目錄

卷之三

遲脉主病第十八

和劑蘇合香丸

和劑四七湯 見第十七

四君子湯 見第十六

數脉主病第十九

六君子湯 見第十六

東垣朱砂安神丸

集驗龍腦安神丸

仲景桂枝湯

仲景麻黃湯

見第十六

和劑涼膈散

仲景黃連解毒湯

見第十七

消腫湯

當歸飲子

滑脈主病第二十

二陳湯

見第十六

丹溪保和丸

見第十七

藜蘆枳朮丸

見第十七

麴蘆枳朮丸

仲景桃仁承氣湯

準繩代抵當丸

六君子湯

見第十六

金匱大半夏湯

三因濕膽湯

東垣藿香安胃散

澁脈主病第二十一

四物湯

和劑滲濕湯

見第十七

百一除濕湯

三因腎着湯

六君子湯

見第十六

寶鑑人參利膈丸

純旨滋血潤腸湯

滋陰清膈飲

十全大補湯

見第十六

濟生耆附湯

黃耆建中湯

弦脉主病第二十二

仲景苓桂朮甘湯

見第十六

仲景小青龍湯

見第十六

和劑倍朮丸

破飲丸

六君子湯

見第十六

金匱澤瀉湯

海藏五飲湯

濟生八神來復丹

三因控涎丹

玄珠茶調散

半夏白朮天麻湯

仲景吳茱萸湯

仲景小建中湯

附黃耆建中湯

香砂理中丸

東垣厚朴湯

仲景四逆湯

緊脈主病第二十三

長短細大主病第二十四

浮沉主病第二十五

河間犀角丸

集驗龍腦安神丸

見第九

和劑感應丸

和劑紅丸子

洪細主病第二十六

緩頰至病第二十七

濡弱小至病第二十八

四君子湯

見第十六

六味地黃丸

見第十六

四物湯

見第二十一

微脈至病第二十九

動脈至病第三十

革脈至病第三十一

卷之四

促結主病第三十二

仲景桔梗湯

元戎萬病紫苑丸

寶鑑沉香桂附丸

代脉主病第三十三

黃耆建中湯

見第十一

小青龍湯

見第十六

仲景灸甘艸湯

脉病順逆第三十四

中風脉證第三十五



千金小續命湯

仲景桂枝湯

見第十九

二陳湯

見第十六

和劑四七湯

見第十七

易簡星香湯

蘇合香丸

見第十八

仲景三物備急丸

本事勝金丸

千金返魂湯

萬氏灸法

風寒脉證第三十六

仲景桂枝湯

見第十九

仲景麻黃湯

見第十六

暑濕脉證第三十七

東垣清暑益氣湯

見第十六

十味香薷飲

見第十六

敗毒散

和劑五積散

傷寒脈證第三十八

飲食勞倦第三十九

東垣枳實導滯丸

丹溪保和丸

見第十七

潔古枳朮丸

見第十七

趙蘗枳朮丸

見第二十一

東垣葛花解醒湯

東垣補中益氣湯

氣病脈證第四十

六鬱脈證第四十一

丹溪越鞠丸

濟生導痰湯

滾痰丸

見第十七

丹溪保和丸

見第十七

導氣鬱湯

血鬱湯

蒸鬱湯

濕鬱湯

卷之五

痰病脈證第四十二

和劑倍求丸

見第二十二

苓桂朮甘湯

和劑青州白丸子

法製半夏

和劑清心牛黃丸

沉香墮痰丸

清氣化痰丸

丹溪保和丸

見第十七

仲景澤瀉湯

見第二十二

瘧疾脉證第四十三

仲景小柴胡湯

仲景白虎湯

洩瀉脉證第四十四

五苓散

見第十七

平胃散

東垣升陽除濕湯

理中湯

見第十七

二神丸

五味子散

四神丸

錢氏七味白朮散

芍藥湯

香連丸

益元散

卽六一散

敗毒散

見第三十七

東垣芍藥黃芩湯

和劑真人養藏湯

金匱桃花湯

仲景白頭翁湯

和劑參苓白朮散

嘔吐反胃脉證第四十五

仲景大半夏湯

見第二十一

生薑半夏湯

二陳湯

見第十六

四君子湯

見第十六

六君子湯

見第十六

理中湯

見第十七

藿香安胃散

見第二十

霍亂脉證第四十六

仲景通脉四逆湯

仲景理中圓

見第十七

仲景四逆加人參湯 附子理中湯 見第十七

咳嗽脉證第四十七

麻黃湯 見第十六

參蘇飲

二陳湯 見第十六

小青龍湯 見第十六

拔萃半夏溫肺湯

喘急脉証第四十八

麻黃湯 見第十六

寶鑑香蘇散

枳桔二陳湯 見第十六

三子養親湯

保和丸

見第十七

平胃散

見第四十四

和劑小七香丸

見第十七

仲景瓜蒂散

火病脈證第四十九

和劑清心蓮子飲

錢氏導赤散

見第十七

錢氏瀉黃散

瀉青丸

局方八正散

左金丸

河間防風通聖散

升陽散火湯

陽毒升麻湯

清胃湯



千金黑奴丸

錢氏瀉白散

當歸龍薈丸

骨蒸脉證第五十

野燈續焰卷三

錢塘後學潘楫碩甫註

同邑社盟王佑賢聖異訂

門人 吳之琦季良校

陳紉新澹持

遲脉主病第十八

遲脉主藏。陽氣伏潛。有力爲痛。無力虛寒。

遲爲陰脉。五藏爲陰。故主藏。難經九難曰。遲者藏

據曰氣勝陽  
死陰自起  
夏夏狂明  
立通

也。又曰。遲則爲寒。傷寒論亦曰。遲爲在藏。以陽氣

伏潛。不能健行。故至數遲耳。遲而有力。有壅實不

通利之意。痛。可想見。

宜溫而行。和劑蘇合香丸。四七湯之類。

遲云陽

伏而又無力焉。虛寒必矣。

宜溫而補。四君子湯。薑桂附子之類。

附方

和劑蘇合香丸

療傳屍。骨蒸。殭。肺痿。疰忤鬼

氣。卒心痛。霍亂吐利。時氣。鬼魅瘴癘。赤白暴痢。

瘀血月閉。痰癍。疔腫。驚癇。鬼忤中人。小兒吐乳。

大人狐狸等病。又治中風卒仆。九竅閉塞。并百邪暴乘。腹痛下利。開關辟邪之藥也。

白朮

炒

青木香

烏犀角

屑

香附子

炒去毛

朱砂

研水飛

訶黎勒

煨取皮

白檀香

安息香

另末。無灰酒一升。熬乾。

沉香

麝香

研

丁香

萹撥

各二兩

龍腦

研

薰陸香

另研

蘇合香油

入安息香膏內。各一兩。

右爲細末。入研藥勻。用安息香膏。并煉白蜜和劑。每服旋丸如梧子大。早朝取井華水。溫冷任意化服四丸。老人小兒。化服一丸。溫酒化服亦得。並空心服之。用蠟紙裹一丸。如彈子大。緋絹袋當心帶之。一切邪神不敢近。今則俱用蠟殼可久藏備用。

四七湯

見第十六

四君子湯

見第十六

數脈主病第十九

數脈主腑。主吐。主狂。有力爲熱。無力爲瘡。

數脈爲陽。六府亦爲陽。故主府。難經九難曰。數者府也。又曰。數則爲熱。傷寒論亦曰。數爲在府。此以遲數分陰陽。故卽以配藏府。亦不過言其大槩耳。至若錯綜互見。在府有遲。在藏有數。在表有遲。在裏有數。又安可以藏府二字拘定也。數脈主吐者。脈始于中焦。吐則胃氣逆。中焦擾亂。氣逆而動。故

仲景云。脈氣虛脈乃數也。

虛熱至吐實  
熱在

脉數。

宜六君子湯。生薑  
竹茹茱萸連之類。

至狂者。狂則神志昏亂。氣

無所御。氣無所御。則奔逸于四肢。而四肢實。四肢實。是以能登高行遠。跳躍異常。夫四肢爲諸陽之本。陽邪實之。故力倍也。難經二十難曰。重陽者狂。又病能論曰。狂生于陽也。又曰。陽明者常動。巨陽少陽不動。不動而動大疾。此其候也。蓋言陽明之脉常動。巨陽少陽之脉不動。今無論常動者。卽不動者亦動。動且大疾。是爲狂病之候。觀此。則狂病

之見數脈明矣。

宜東垣硃砂安神丸。集驗龍腦安神丸之類。

數而有力。

聚熱所鼓。

有外感證者宜汗散。仲景有汗者桂枝湯。無汗者麻黃湯之類。無外感者和劑。

涼膈散。芩連梔藥之類。

數而無力。雖有熱而虛散。熱散於外。

發瘡之候也。

宜仲景黃連解毒湯。消腫湯。當歸飲子之類。

### 附方

六君子湯

見第十六

東垣朱砂安神丸

治心亂煩熱怔忡。心神顛倒。

兀兀欲吐。胸中氣亂而熱。有似懊懣之狀。皆膈



上血中伏熱。蒸蒸不安。宜用權法以鎮陰火之  
浮行。以養上焦之元氣。用甘草之甘溫補之。當  
歸生地。又爲長生陰血之聖藥。黃連去心煩。除  
濕熱。朱砂納浮游之火而安神明。

硃砂

一錢研  
水飛

黃連

淨酒炒  
一錢半

甘草

炙五  
分

生地黃

當歸頭

各一  
錢

右爲極細末。蒸餅爲丸。如黃米大。每服十九。津  
唾嚥下。

集驗龍腦安神丸 治男婦小兒五積癩癩。無問

遠年近日。發作無時。但服此藥。無不痊愈。

龍腦 研

麝香 研

牛黃 研各  
三錢

犀角屑

茯苓 去  
木

人參 去  
蘆

麥門冬 去  
心

硃砂 水飛各  
二兩

金箔 三十  
五片

馬牙硝 二  
錢

甘草 炙

地骨皮

桑白皮 各一  
兩

右爲細末。煉蜜和丸如彈子大。金箔爲衣。如有

風癰病歲久。冬月用溫水化下。夏月用涼水化下。不拘時候。如病二三年。日進三服。小兒一丸。分作二服。又治男婦虛勞發熱喘嗽。新汲水一盞化開服。喘滿痰嗽立止。又治男子婦人語澀舌強。食後溫涼水化下。日進三服。

仲景桂枝湯 傷寒論云。太陽中風。陽浮而陰弱。陽浮者。熱自發。陰弱者。汗自出。耑耑惡寒。淅淅惡風。翕翕發熱。真偽乾嘔者。桂枝湯主之。此仲

景治中風第一方也。雖云取微汗。實則和榮衛而助中氣。其藥卽建中湯小變。近醫以中風自汗。竟認桂芍爲歛汗之藥。寃哉。

桂枝

芍藥

生薑

各三兩

甘草

炙二兩

大棗

劈二十枚

煎服法。同前第十七桂枝附子湯。

仲景麻黃湯

見第十六

和劑涼膈散

治大人小兒積熱。煩躁多渴。面熱

唇焦。咽燥。舌腫。喉閉。目赤。鼻衄。頰頰結硬。口舌  
生瘡。謔語狂妄。腸胃燥澀。便溺閉結。睡卧不安。  
一切風壅。

梔子仁

連翹

薄荷

黃芩

甘草

大黃

芒硝

各半兩

各一兩半

右爲粗末。每一兩水二盞。竹葉七片。煎至一盞。  
去滓入蜜少許。食後服。加薑煎亦得去。六經熱。

俗醫曰結核  
連絲者為癩  
癩生項腋之  
間形長如鏡  
珍貴藥方  
癩癩之處

減大黃。苾硝。加桔梗。甘草。人參。防風。治肺經邪。

熱。咳嗽有痰。加半夏。涼膈與四物各半服。能益。

血。洩熱。名雙和散。錢氏去連翹。加藿香。石膏。為。

瀉黃散。

賣錢連翹四兩。硝黃各二兩。餘各一兩。

仲景黃連解毒湯。

見第十七

消腫湯 治馬刀瘡

苾胡

二錢

連翹

三錢

當歸尾

甘草

各一錢

生黃芩

紅花

少許

黃連

黍粘子 炒各

瓜蒌根

黃耆

各一錢半

右件每服五錢或一兩水煎熱服食後

當歸飲子 治瘡疥風癬濕毒燥痒瘡。

當歸

白芍藥

川芎

生地黄

白蒺藜

防風

荆芥

各一兩

何首烏

黃耆

甘草

各五錢

右改咀。每服一兩。水煎。或爲末。每服一二錢。亦得。

滑脉主病第二十

滑脉主痰。或傷于食。下爲畜血。上爲吐逆。

痰乃水飲所結。薄則稠粘。老則硯礪。滑脉滑澤。近于水象。如數疾而替替然。形相似也。不腐不化之

食象亦如之。皆有物之脉也。

痰宜二陳湯。食宜丹溪保和丸。紫古枳木。

无麩菜枳木。无之類。在下則見于尺。主畜血者。血亦類液。瘀



二  
疑類痰以其在尺故以血斷

宜仲景桃仁承氣湯  
準繩代抵當丸之類

若見于寸必主吐逆蓋因滑脈之流利滑動勢不

安定切近上焦自當爲吐

宜六君子湯仲景大半  
夏湯溫膽湯東垣藿香

安胃散之類。然而所吐之物非痰卽食設無痰食是爲

嘔逆則脈不應見滑而又當見澀矣。

附方

二陳湯

見第十六

丹溪保和丸

見第十七

紫古枳朮丸

見第十七

麴蘖枳朮丸

治強食所致。心胸滿悶不快。

神麴

炒

麥蘖

炒

枳實

去穢 炒  
各一兩

白朮

炒二兩

右製服如枳朮丸法

仲景桃核承氣湯

傷寒論云。太陽病不解。熱結

膀胱。其人如狂。血自下。下者愈。其外不解者。尚

未可攻。當先解外。外解已。但少腹急結者。乃可

攻之。宜桃核承氣湯。此下熱與血結成瘀之劑也。今用下瘀血於腸腹脇下者。皆効。

桃仁

五十個去皮  
尖味甘平

桂枝

二兩去皮  
味辛熱

大黃

四兩

芒硝

二兩

甘草

二兩  
炙

右五味。以水七升。煮取二升半。去滓。內芒硝更上火。微沸下火。先食溫服五合。日三服。當微利。

準繩代抵當丸

行瘀血

自製

大黃

川產如錦紋者。去皮及黑心。四兩

芒硝

一兩。如欲穩。以玄明

粉代

桃仁

麩炒黃。去皮尖。另研如泥。六十枚。

當歸尾

生地黃

穿山甲

蛤粉炒。各一兩。

桂

三錢或五錢

右爲極細末。煉蜜丸如桐子大。若畜血在上焦。丸如芥子大。臨臥去枕仰臥。以津嚥之。令停膈喉下。搜逐膈上。中焦食遠。下焦空心。俱桐子大。以百沸水煎湯下之。用歸地者。欲下血而不損血耳。且引諸藥至血分也。諸藥皆獷悍而欲

以和濟之也。如血老成積。此藥攻之不動。宜去

歸地。加廣茂。

醋浸透焙乾一兩

肉桂

七錢

六君子湯

見第十六

仲景大半夏湯 治反胃嘔吐

半夏

二升洗完用

人參

三兩

白蜜

一升

以水一斗三升。和蜜揚之二百四十遍。煮藥取三升。溫服一升。餘分再服。

溫膽湯

三因

治心膽虛怯。觸事易驚。或夢寐不祥。

遂致心驚膽懾。氣鬱生涎。涎與氣搏。變生諸證。  
或短氣悸乏。或復自汗。

半夏

湯洗

枳實

竹茹

各一兩

橘皮

一兩半  
去白

甘草

炙四錢

白茯苓

七錢

每服四錢。水一盞半。生薑七片。棗一枚。煎七分。  
食前熱服。

東垣藿香安胃散

治脾胃虛弱。不進飲食。嘔吐

不待腐熟。

藿香

一錢半

丁香

人參 各二錢

橘紅

五錢

右爲細末。每服二錢。水二盞。生薑三片。同煎至一盞。去滓。涼服。食前和滓服亦可。

瀉脉主病第二十一

瀉脉少血。或中寒濕。反胃結腸。自汗厥逆。

靈樞決氣篇曰。中焦取汁。變化而赤。是謂血。壅遏  
替氣。令無所避。是謂脉。脉之與血。同質異名。是二

瀉爲血府遊  
少血理因  
矣若矣瀉  
之進氣分滯

也。汗厥之澁。  
氣虛液少也。  
至于反胃腸  
結之澁不唯  
血枯并津液  
亦枯矣。

而一。况體爲陰液。多則滑利。少則枯澁。理勢之必

然者。

枯澁虛澁血少。宜四物湯之類。

寒濕襲人。肌腠痺着。氣道不

利。脉安得不澁。

滯澁之澁。宜和劑滲溫湯。百一除濕湯。三因腎着湯之類。

反胃。

則朝食暮吐。暮食朝吐。或隨食隨吐。胃無餘液。以

致腸中枯燥而大便秘結。脉安得不澁。

枯澁之澁。宜六君子湯。

湯。寶鑑人參利膈丸。統旨滋血潤腸湯。滋陰清膈飲之類。

自汗者。汗時時自出

也。出則液耗。是謂脫液。漏而不止。衛氣散失。四肢

厥寒。是謂亡陽。陽亡液脫。脉又安得不澁。

虛澁之澁。宜十



全大補湯。濟生耆附。一澁脈也。而有虛澁。滯澁。枯澁之分。是又在診之者。自爲靈通耳。

附方

四物湯 治肝脾腎血虛發熱。或寒熱往來。或日  
補熱。眩。頭目不清。或煩躁不寐。胸膈作脹。脇肋  
疼痛等症。凡血虛諸病。以此爲主治。若脾氣虛  
而不能生血。宜四君子。若脾氣鬱而血虛。宜歸  
脾。湯若腎水涸而不生肝血。宜六味丸。

當歸

錢三

白芍藥

錢一

熟地黄

錢三

川芎

錢半

右水煎服

和劑滲濕湯

見第十七

百一除濕湯 治寒濕所傷。身體重着。腰脚酸疼。

大便溏泄。小便或澁或利。

半夏麴

炒

厚朴

薑製

蒼朮

米泔製  
各二兩

藿香葉

陳皮

去白

白茯苓

去皮各  
一兩

甘草

灸七錢

白朮

生用一兩

右㕮咀。每服四錢。水一盞。薑七片。棗一枚。煎七

分。食前溫服。

三因腎着湯 治腎虛傷濕。身重腰冷。如坐水中。

不渴。小便自利。

乾薑

炮

茯苓

各四兩

甘草

灸

白朮

各二兩

每服四錢。水一盞。煎七分。空心溫服。

六君子湯

見第十六

寶鑑人參利膈丸

治胸中不利。大便結燥。痰嗽。

喘滿。脾胃壅滯。推陳致新。治膈氣之聖藥也。

木香

檳榔

各七錢半

人參

當歸

酒洗

藿香

甘草

枳實

各一兩  
炒黃

大黃

酒濕  
蒸熟

厚朴

薑製各  
二兩

右爲細末。滴水爲丸。如桐子大。每服三五十九。食後諸飲下。

統旨滋血潤腸湯 治血枯及死血在膈。飲食不

下。大便燥結。

當歸

酒洗  
三錢

芍藥

煨

生地黄

各一  
錢半

紅花

酒洗

桃仁

去皮  
尖炒

大黃

酒煨

枳殼

麩炒各  
一錢

水一鐘半。煎七分。入韭菜汁半酒盞。食前服。

滋陰清膈飲

統旨

治陰火上衝。或胃火太盛。食不

入。脈洪數者。

當歸

芍藥

煨

黃蘗

鹽水炒

黃連

各一錢半

黃芩

山梔

生地黄

甘草

三分

水二鐘煎七分。入童便竹瀝各半酒盞。食前服。

十全大補湯

見第十六

濟生耆附湯

治氣虛陽弱。虛汗不止。肢體倦怠。

黃耆

去蘆蜜炙

附子

炮去皮臍各等分

右咬咀。每服四錢。水一盞。生薑十片。煎八分。食

前溫服。未應。更加之。

黃耆建中湯 治血氣不足。體常自汗。

黃耆

桂 各一錢半

白芍藥 三錢

甘草

一錢

每服五錢。水一鐘半。薑五片。棗二枚。煎八分去

滓。入稠飴一大匙。再煎服。舊有微澹或嘔者。不

用飴。

弦脉主病第二十二

弦脈主飲。病屬膽肝。弦數多熱。弦遲多寒。浮弦支飲。沉弦懸痛。陽弦頭痛。陰弦腹痛。

夫飲入于胃。必陽氣爲之遊溢。輸布藏府。受其灌溉。形體賴其濡滋。若陽運之力薄。則不能遊溢輸布。停畱于中而飲之。諸證起矣。其脈弦者。弦爲陰脈。歛束急直。無抑揚鼓動之勢。正陽運之不足也。若非有飲而見弦脈。病又當在膽與肝耳。蓋膽爲甲木。肝爲乙木。自北而東。在肝爲厥陰而陰盡。在



膽爲少陽而陽微。初春之象。逗氣尚少。升如一縷。有弦義焉。數則爲熱。弦而兼數者。病亦兼熱。遲則爲寒。弦而兼遲者。病亦兼寒。弦則爲飲。弦而浮。則飲停在上。名曰支飲。支者。支分之義。不在胃而支

留於心胸間也。

宜仲景苓桂朮甘湯。小青龍湯。和劑倍朮丸。破飲丸。六君子湯。仲景

澤瀉湯。海蘘。五飲湯之類。弦而沉。則飲停在下。當爲懸痛。懸者。

懸閣之義。不在胃而懸留于腹脇間也。以寒飲而

留於陰分。故在內痛。

宜濟生八神來復丹。三因控涎丹之類。

弦脈不

但至飲而又至痛者。以弦寒飲束。氣不舒暢故耳。

陽弦者。寸弦也。邪在三陽。三陽走頭。故頭痛。宜玄珠茶。

調散。半夏白朮天麻湯。陰弦者。尺弦也。邪在三陰。仲景吳茱萸湯之類。

三陰走腹。故腹痛。宜仲景小建中湯。香砂理中湯。東垣厚朴湯。仲景四逆湯之類。

附方

仲景苓桂朮甘湯 見第十六

小青龍湯 見第十六

和劑倍朮丸 治五飲。一曰留飲。停水在心下。二

曰澣飲。水在兩脇。三曰痰飲。水在胃中。四曰溢飲。水溢在膈。五曰流飲。水在脇間。漚漚有聲。皆由飲水過多。或飲冷酒所致。

白朮

二兩

桂心

乾薑

各一兩

右爲末。蜜丸。每二十九。溫米飲下。加至三十九。食前服。

破飲丸 治五飲停蓄胸膈。呼吸之間。痛引兩脇。脹滿氣促。胸腹結爲癥瘕。支滿胸膈。旁及兩脇。

捨心疼痛。飲食不下。反胃吐逆。九種心疼。積年宿食不消。久瘧久痢。遁尸疰忤。顛癩厥運。心氣不足。憂愁思慮。婦人腹中諸病。並皆治之。

華撥

丁香

不見火

縮砂仁

蝸稍

胡椒

木香

不見火

烏梅肉

青皮

巴豆

去皮膜各等分

右將青皮巴豆。以漿水同浸一宿。次日濾出同炒。青皮焦。去巴豆。水淹烏梅肉。蒸一炊久。細研

爲膏。入藥末和勻。丸如菉豆大。每服五七丸。臨  
睡生薑湯下。

仲景六君子湯

見第十六

仲景澤瀉湯 治飲停心下。常苦眩冒。或胸中痞

結。堅大如盤。下則小便不利。

澤瀉

五兩

白朮

二兩

水二升。煮一升。分溫再服。

海藏五飲湯 治五飲最効

旋覆花

人參

陳皮去白

枳實

白朮

茯苓

厚朴製

半夏製

澤瀉

猪苓

前胡

桂心

白芍藥

炙甘草各等分

右每一兩分四服。薑十片。水二盞。煎至七分。去滓。溫服。無時。因酒成飲。加葛根。葛花。砂仁。

濟生八神來復丹 治寒痰冷飲。久積心胸。或嘔

逆喘促。或心腹攪疼。或飲食不安。狀如反胃等

證。

硝石

一兩。同硫黃爲末。磁器內以微火炒。用柳

二氣末。

太陰玄精石

飛研一兩

五靈脂

水澄清。濾去砂石。晒乾。

青皮

去白

陳皮

去白各二兩

舶上硫黃

透明

沉香

木香

堅貴者

天南星

粉白者。各一兩

右爲末。飛麩糊爲丸。如桐子大。每服三十九。空

心米飲送下。

三因控涎丹 凡人忽患胸背手足頸項腰胯等  
隱痛難忍。筋骨牽引釣痛時時走易不定。乃是  
痰涎在心膈上下。變爲此疾。或手足冷痺。氣脉  
不通。誤認癱瘓也。

甘遂

去心

紫大戟

去皮

真白芥子

各等分

右爲末。糊爲丸。桐子大。曬乾。食後以淡薑湯。或  
熱水下五七丸。至十丸。痰猛加數丸。



玄珠茶調散 治風熱上攻頭目及頭風熱痛。不

可忍。

片苓

二兩。酒拌炒三  
次。不可令焦。

小川芎

一兩

細茶葉

三錢

白芷

五錢

薄荷

三錢

荆芥穗

四錢

頭巔及腦痛。加細辛。藁本。蔓荊子。

各三錢

右爲細末。每服二三錢。用茶清調下。

秘藏半夏白朮天麻湯 治素有脾胃之證。時顯

煩躁大便不利。又出入爲寒氣所鬱。悶亂大作。火鬱不伸故也。醫疑有熱。服疎風丸下之。原證不減。復添嘔逆。食不能停。痰唾稠粘。湧出不止。眼澁頭旋。惡心煩悶。氣短促上。喘無氣力。目不敢開。如在風雲中。頭苦痛如裂。身重如山。四肢厥冷。是胃氣已損。復下兩次。重虛脾胃。病名曰痰厥。頭痛厥者。痰之濁氣逆上。滄溷清陽。故旋暈。非有痰厥逆而上也。

半夏一分錢

白朮

炒麴各一錢

天麻

黃耆

人參

蒼朮

陳皮

澤瀉

茯苓各五分

大麥麴一錢半

乾薑三分

黃檗二分

仲景吳茱萸湯 傷寒論云。食穀欲嘔者。屬陽明

也。吳茱萸湯主之。金匱云。嘔而胸滿者。茱萸湯主之。又云。乾嘔吐涎沫。頭痛。茱萸湯主之。觀此。

則凡胃虛寒不能納食。或吐冷飲酸水者。皆效。

吳茱萸

洗一升

人參

三兩

生薑

六兩

大棗

十二枚

右四味。以水七升。煮取二升。去滓。溫服七合。日三服。

仲景小建中湯

加黃耆一兩半。人參二兩。各黃耆建中湯。

金匱要略

云。虛勞裏急。悸。衄。腹中痛。失精。四肢酸疼。手足煩熱。咽乾口燥。小建中湯主之。又千金療男女

因積冷氣滯。或大病後不復。常苦四肢沉重。骨  
肉酸疼。吸吸少氣。行動喘乏。胸滿氣急。腰背強  
痛。心中虛悸。咽乾唇燥。面體少色。或飲食無味。  
脇肋腹脹。頭重不舉。多卧少起。甚者積年。輕者  
百日。漸致瘦弱。五藏氣竭。則難可復。常六脉俱  
不足。虛寒乏氣。少腹拘急。羸瘦百病。黃耆建中  
湯主之。

桂枝

兩三

甘草

兩二

大棗

十二

芍藥

六兩

生薑

三兩

膠飴

一升

右六味。以水七升。煮取三升。去滓。內飴。更上微火消解。溫服一升。日三服。嘔家不可用建中湯。以辭故也。

香砂理中湯

卽理中圓加木香砂仁。服法亦同。見第十七。

治脾虛氣

滯。或受外寒。泄瀉腹痛。喜溫。或嘔吐胸膈滿悶。腸腹雷鳴等證。

東垣厚朴湯

治胸腹脹痛。或腸鳴後重。或受寒

及寒飲食作痛。脉沉遲而弦者宜之。

厚朴

薑製

陳皮

去白各二兩

甘草

炙

乾薑

各五錢

茯苓

去皮一兩

右咬咀。每服一兩。水煎服。

仲景四逆湯 治中外皆寒。四肢逆冷。腹痛腸鳴。

或汗多亡陽。或中寒瀉利清穀。舌滑氣冷。一切陰寒勝而陽虛。脉沉遲弦弱者。此方主之。

甘草

炙一兩

乾薑

一斤

附子

一枚。生用。去皮。破八

片

右三味。以水三升。煮取一升二合。去滓。分溫再服。強人大附子一枚。乾薑三兩。

緊脈主病第二十三

緊脈主寒。又主諸痛。浮緊表寒。沉緊裏痛。

緊與弦相似。但多裊動天矯之勢。所謂如轉索者是也。陽爲寒束。嘔強不平。故作是狀。爲諸痛者。亦此義耳。浮以候表。浮而緊。寒在表也。宜溫散沉以候



裏沉而緊。寒在裏也。宜溫中裏爲陰分。以陰寒而襲陰分。陽因陰凝。故痛也。

長短細大主病第二十四

長脉氣平。短脉氣病。細則氣少。大則病進。

長脉氣暢。故曰平。短脉氣促。故曰病。細爲正不足。故氣少也。大爲邪有餘。故病進也。

浮沉主病第二十五

浮長風痼。沉短宿食。血虛脉虛。氣實脉實。

長類乎弦。亦肝木之象也。素問玉機真藏論曰。肝  
脉端直以長是也。浮則爲風。風木偏勝。癰證作矣。  
宜疎風豁痰養榮。如河間犀  
角丸。集驗龍腦安神丸之類。沉主裏。沉而短。爲中  
氣局促。宿食停畱之礙也。宜溫而推之。如和劑  
感應丸。紅丸子之類。脉  
爲血府。脉虛者血虛。脉由氣行。氣實者脉實。

附方

河間犀角丸 治風癩癩。發作有時。揚手擲足。口  
吐痰涎。不省人事。暗倒屈伸。

犀角末

兩半

赤石脂

兩二

朴硝

兩二

白僵蠶

兩一

薄荷葉

兩一

右爲末。麩糊丸如梧子大。每服二三十丸。溫水下。日三服。不拘時。如覺痰多。卽減數。忌油膩炙  
煇。

集驗龍腦安神丸

見第十九

和劑感應丸 治中虛積冷。氣弱有傷。停積胃脘。

不能傳化。或因氣傷冷。或因饑飽。食飲酒過多。

心下堅滿。兩脇脹痛。心腹大痛。霍亂吐瀉。大便秘數。後重遲澁。久痢赤白。膿血相雜。米穀不化。愈而復發。又治中酒嘔吐。痰逆惡心。喜睡頭旋。胸膈痞滿。四肢倦怠。不思飲食。不拘新舊冷積。並皆治之。

南木香

肉豆蔻

丁香

各一兩半

乾薑

炮一兩

巴豆

七十粒去皮心膜研出油

杏仁

一百四十粒湯泡去皮尖研

百草霜

二兩

右前四味爲末。外入百草霜研。與巴豆杏仁七  
味同和勻。用好黃蠟六兩。溶化成汁。以重絹濾  
去滓。更以好酒一升。於銀石器內煮蠟數沸。傾  
出候酒冷。其蠟自浮於上。取蠟秤用丸。春夏修  
合。用清油一兩。銚內熬令香熟。次下酒煮蠟四  
兩。同化成汁。就銚內乘熱拌和前項藥末。秋冬  
修合。用清油一兩半。同煎煮熟成汁。和前藥末  
成劑。分作小錠。油紙裹放。旋丸服之。每三十丸。

空心薑湯下。

和劑紅九子 壯脾胃。消宿食去膨脹。

京三稜

浸軟  
切片

蓬莪朮

煨

青皮

去  
白

陳皮

去白各  
五斤

乾薑

炮

胡椒

各三  
斤

右爲末。用醋麵糊丸如梧桐子大。礬紅爲衣。每服三十丸。食後薑湯送下。小兒臨時加減與服。

洪細主病第二十六

洪脉爲熱。其陰則虛。細脉爲濕。其血則虛。

洪脉滿指。浮大兼備。陽有餘之象。故當爲熱。有餘於陽。則不足於陰。故爲陰虛。細爲陰脉。細藐不振。陰濕之候。細又爲血虛者。蓋脉以血爲體。細藐之甚。體干何有。故血虛。

緩類主病第二十七

緩大者風。緩細者濕。緩澁血少。緩滑內熱。

空疎緩大。風所致也。緩漫濡細。濕所侵也。緩而澹。滯血必少也。緩而滑疾。內有熱也。

陽虛血虛故

陰虛病乃氣

弱故起陽一

在後勢一在

濡弱小至病第二十八

濡小陰虛弱小陽竭陽竭惡寒陰虛發熱。

濡小之脈卽所謂如帛浮水面有上無下陰虛之

候也弱小之脈體不充勢不鼓陽竭之候也陽竭

則陰乘陽故惡寒陰虛則陽乘陰故發熱陽竭者補陽宜

四君者附之類陰竭者補陰宜六味丸四物湯之類。

附方

四君子湯 見第十六



六味丸

見第十六

四物湯

見第二十一

微脉主病第二十九

陽微惡寒。陰微發熱。男微虛損。女微瀉血。

脉經云。微脉不勝尋按。若有若無。言其虛極也。寸微爲陽微。陽微卽陽虛而陰氣上入陽中。故惡寒也。尺微爲陰微。陰微卽陰虛而陽氣下陷入陰中。故發熱也。男人得此。不唯惡寒發熱而且爲虛損。

女人得此。不惟惡寒發熱。而且爲瀉血。虛損者。未必不失血。

瀉血者。未必不成。虛損。男子補其陽。女子補其陰。

### 動脈主病第三十

陽動汗出。陰動發熱。爲痛與驚。崩中失血。

傷寒論曰。陰陽相搏。名曰動。又曰。數脈見于關上。上下無頭尾。如豆大。厥厥動搖者。名曰動。旣云在關。是居尺寸之中。若不能分陰分陽者。然云陰陽相搏。又云陽動陰動。又似乎有勝有負。故陽虛者。

爲陽動陽負。負則外衛不密而汗自出矣。陰虛者爲陰動陰負。負則內守不寧而熱自發矣。爲痛爲驚者。陰陽不和。氣搏擊則痛。氣攢迸則驚。味厥厥動搖四字。情形宛然。陰陽相搏不和。則衛守兩失其職。而崩中失血之證。有自來矣。陽衛陰守

革脉主病第三十一

虛寒相搏。其名爲革。男子失精。女子失血。

傷寒論辨脉法云。脉弦而大。弦則爲減。大則爲芤。

減則爲寒。芤則爲虛。虛寒相搏。此名爲革。婦人則

半產漏下。

宜補血

男子則亡血失精。

宜填精

此節正革

脈之証脚也。蓋革如皮革。急滿指下。今云脈弦而大。非革而何。只此四字。可以盡革脈之形狀矣。弦則爲減以下。又發明所以爲革。并革之所以爲病也。弦則脈體弦急細歛。是陽氣之減少也。弦而大。是改細歛爲濶大。其弦急之體仍在。弦急爲陽減。改大則中北陽減爲寒。中北爲虛。既虛且寒。徒革

于外而中則空。在女則爲半產漏下。在男則爲亡血失精。是皆中空之驗。